

P.644, L.-5【理觀、名字位】《四教儀註彙補輔宏記》卷9：「【註】妙宗上云。始自圓聞觀佛妙境。至識位次勤行五悔。若未發品。此等行人皆屬名字。故知名字其位甚長。境觀相資。塵念靡間。方能得入觀行位也(文)。【記】此節引文剖義。謂從初隨喜圓聞妙理。起圓解。修圓行。從第一觀不思議境。至第八識位次。而又勤行五悔。如是正助齊運。設若未能發品。應知觀行未圓。皆名字位收也。境觀相資下。示觀行正義。【補】觀經托佛修觀。故曰觀佛妙境。問：發品相狀何似？答：名字初修。失易得難。名字中心。得失相半。後心。打成一片。唯得無失。即發品相。必到境資觀。觀益明。觀資境。境逾顯。而塵念靡間。始是真正發品。唯境觀相資。故五品人。知如來秘藏。唯塵念靡間。故五品人五住圓伏。」(X57,p.949b3-15)知禮《四明十義書》卷2：「約理雖即。約事天殊。故求妙門。破惑顯理。乃於名字之位。以妙解攬於萬法。唯內識心。專於內心。用於妙觀。觀一切法。或於外境。修觀亦然。觀道若開。若伏若斷。或入觀行。或似或真。此義顯在止觀及以諸文。…故詰難書曰。若五品中方於二境修觀者。只如五品因何得入？又若待至五品方修觀者。則名字之人。全無入品之路也。…乃說內外二觀俱在名字位中。造修觀成。方入觀行、相似、分真。具引止觀之文。明示觀成方入隨喜等位。」(T46,p.849b21-c6)

〈法師功德品第十九〉

【一品大意】《法華經通義》卷6：「此品來意。由前廣讚持經之大益。今顯持經之法師即得六根清淨者。以顯法華三昧之勝益。現前即登不退地。以發二乘精進不退之心。故此品來也。前法師品(10品)。但以法師為助發之緣因。今此品乃正顯持經之功德。名同義別。以佛性種子要藉緣熏。使慧命不斷故。法師功德最勝。故以功德簡之。」(X31,p.581c10-15)《法華經要解》卷6：「前品隨喜暫持。在五種法師方得其一。未能一心聽讀如說修行。則功未圓也。雖獲根智具足而未及六千之報。則德未圓也。此品行人五種功備。六千德圓。堪為模範。故命品謂之法師。而為圓持功德。前〈法師品〉依持經人以彰圓記。此法師品依持經人以彰圓德。名同義別。故加功德字別焉。」(X30,p.341a12-17)《法華經授手》卷8：「天台云。法師義如〈法師品〉中說。功德者。前品隨喜功德。謂五品中初品之初功德。在相似位前。今品功德。謂五品之上。六根清淨之功德。即十信相似位也。以此功德。內外莊嚴。五根清淨。名外莊嚴。意根清淨。名內莊嚴。又從地獄已上至佛。一切色相悉於身中現者。名內莊嚴。十法界一切色相。以普現三昧而外化者。名外莊嚴。身根既爾。餘五根亦然。」

2022/8/23

讀誦獲六根清淨既爾。後之四品加然。相似六根清淨既爾。分真倍然。○知音問：法師品有六種法師。禮拜供養。胡不言之？答：實論功德。唯受持等四種。自他皆得開悟本有佛之知見。若夫供養禮拜。唯獲福田。故不校也。若約法供養。亦可攝盡。故藥王本事品(23品)。有法供養之校量也。」(X32,p.778a16-b4)

P. 647, L. 5【五種法師】參考本書 p. 443：3

五品觀行	隨喜	讀誦	說法	兼行六度	正行六度
五種法師	受持	讀	誦	解說	書寫

P. 647, L. 6【五品約觀，五種約事】法照《法華經三大部讀教記》卷14：五品弟子皆通五種初後，五品之第二三品，兼於四五，得稱法師。縱說「五品」在「六根」外，亦不與五師同；以五師不云修觀，而五品是修觀行位。若約位簡別之，則五師未入五品外凡位也。據理不可以彼釋此，只緣約誦說屬對，一往義通；況復彼文釋法師廣（四信、五品），故指於彼品釋此品目也。(X28,p.81,b)

P. 647, L. -4【內外莊嚴】《法華文句記》卷10〈釋法師功德品〉：「內外莊嚴等者，兩重解之：初正約六根，次「又從」下，更進寄真位。即此相似至初住時普現色身，乃至極位，節節皆以初功為本。「五根亦然」者，入真位時，六根皆有內外二嚴，見聞十界而為外化，餘三準知，色等亦然。」(T34,p.346,a24-29)

P. 648, L. 3【似解之初初。過二乘之極極】《法華文句記》卷10〈釋法師功德品〉：「第一義中云「似解初初」者，依《普賢觀》，隨喜，已、當似解之首，第五十人復在隨喜之初，故云「初初」。「過二乘之極極」者，羅漢已極，無疑又極，縱是無疑，亦不能及初隨喜人百千萬倍，如前校量。「指始」等者，以隨喜始，顯妙覺終；凡夫發心，尚與妙覺畢竟不二，況今五品，後望六根耶？」(T34,p.346,b12-18)

【無疑解脫阿羅漢】三種羅漢之一。(1)慧解脫羅漢，修性念處，藉智慧力以解脫煩惱，而破一切智外道之人也。(2)俱解脫羅漢，修共念處，得滅盡定，而於心、智慧兩方面悉皆解脫，而破神通外道之人也。(3)無疑解脫羅漢，修緣念處，在俱解脫中通達一切文義，而得四無礙解，破韋陀外道（又曰文字外道）也。是通於一切之外道而無所疑，故曰無疑，羅漢中之最勝也。~《佛光大辭典》《四教儀註彙補輔宏記》卷6：「性念處者，亦名自性念處，緣理斷結，除自性過。共念處者，正助合修。緣念處者，緣佛三藏及世間文字，所緣處廣也。」(X57,p.837c5-6)